



EU PROGRAM ZA
OPORAVAK OD
POPLAVA



Ovaj projekt finansira
Evropska unija

INFO O PROJEKTU

EU Program za oporavak od poplava



Opšte informacije

U maju 2014. godine, Bosnu i Hercegovinu pogodile su najteže poplave od kada se vrše mjerenja. Ogromne količine padavina od 250 do 300 litara po kvadratnom metru izazvale su naglo i obimno plavljenje više riječnih tokova Bosne, Drine, Une, Save, Sane, Vrbasa i njihovih pritoka, te pokrenule hiljade klizišta. Gradska, industrijska i seoska područja su bila potpuno potopljena danima i sedmicama što je dovelo do značajnog broja raseljenih domaćinstava. Procjenjuje se da je ukupni ekonomski utjecaj katastrofe dosegao iznos od 2,04 milijarde eura ili 15% BDP-a BiH u 2014. godini.

Pregled Programa

EU Program za oporavak od poplava pokrenut je u augustu 2014. godine sa ciljem da se omogući normalizacija životnih uslova u lokalnim zajednicama u Bosni i Hercegovini.

Program je u vrijednosti od **43,52 miliona eura**, od čega doprinos EU iznosi 42,24 miliona eura. Sastoji se od više komponenti usmjerenih na pružanje pomoći u rehabilitaciji područja pogođenim poplavama, uključujući:

- ♦ hitnu rekonstrukciju stambenih jedinica za najugroženije i marginalizirane kategorije ljudi pogođenih poplavama;
- ♦ hitnu obnovu vitalne infrastrukture javnog sektora i ponovno uspostavljanje ključnih javnih usluga u javnom sektoru;
- ♦ sanaciju komunalne infrastrukture u odabranim pogođenim zajednicama;
- ♦ revitalizaciju lokalne privrede i poljoprivredne proizvodnje; te
- ♦ studiju procjene rizika od novih poplava i klizišta koji potencijalno ugrožavaju stambeni fond kako bi se osigurao pravovremeni odgovor od strane institucija na svim nivoima vlasti

Program će trajati do kraja februara 2016. godine, a rezultati programa će imati pozitivan uticaj na više od **500.000 ljudi**

Program je usmjeren na sanaciju ukupno **4669 objekata**



4,400 stambenih jedinica;



112 školskih i predškolskih ustanova (uključujući nabavku namještaja, sportske i laboratorijske opreme);



6 domova zdravlja;



5 centara za socijalni rad;



3 zgrade opštinske administracije;



109 lokalnih puteva, mostova i **4** projekta uvođenja mjera zaštite od prirodnih nesreća; te



31 sistem za vodosnabdijevanje i sanitaciju

Program dalje pomaže rehabilitaciju:



95 malih i srednjih preduzeća; i



preko **1,100** poljoprivrednih gazdinstava, u cilju stvaranja i zadržavanja **3,530 radnih mjesta**.

EU Program za oporavak od poplava finansira Evropska unija koja provodi ga Razvojni program Ujedinjenih nacija (UNDP), Fond Ujedinjenih nacija za djecu (UNICEF) i Međunarodna organizacija za migracije (IOM). Ova pomoć je dio sredstava koja se Evropska unija obavezala izdvojiti na Donatorskoj konferenciji održanoj u Briselu u julu 2014. godine.



INFO O PROJEKTU

Ovaj projekt finansira
Evropska unija

EU Program za oporavak od poplava u Šamcu

Šamac je jedna od 24 najteže pogođenih opština u poplavama iz maja 2014. godine, u koj[] bje većina teritorije opštine bila pod vodom koja se povukla tek nakon tri sedmice u nekim područjima.

Kao rezultat, oko 4.500 domova je bilo oštećeno, a 19.000 stanovnika opštine je ostalo bez pristupa ključnim javnim uslugama. Osim toga, većina obradivog zemljišta je poplavljena, a brojne farme životinja uništene.

Nakon interventne operacije spašavanja, pokrenut je EU Program za oporavak od poplava sa ciljem da se omogući normalizacija životnih uslova za stanovništvo opštine kroz projekte rehabilitacije u vrijednosti gotovo **3,5 miliona eura**.

Rezultati programa u Šamcu

U periodu od augusta 2014. do oktobra 2015. godine, u okviru svih svojih pet komponenti, Program je ostvario sljedeće rezultate:

Rehabilitacija stambenog fonda



U okviru hitne pomoći za stambeno zbrinjavanje, završena je sanacija **238 stambenih objekata**, čime je zbrinuto preko 620 najugroženijih osoba.

Rehabilitacija javnih ustanova



Tri škole: Osnovna škola „Šamac“, područna škola „Tišina“ i Srednja škola „Nikola Tesla“ su obnovljene u cijelosti (uključujući namještaj i opremu) te su započele s radom u periodu od septembra do decembra 2014. godine, čime se za **870 učenika** omogućio nastavak školovanja. Osnovna škola „Crkvine“ je dobila novu sportsku i laboratorijsku opremu, kao i novi namještaj.



Dom zdravlja „Šamac“ je obnovljen u novembru 2014. godine, kada je nastavio pružati usluge svim stanovnicima opštine (19.900 osoba).



Zgrada opštinske administracije je obnovljena krajem oktobra 2015. godine.

Rehabilitacija komunalne infrastrukture



Obnovljen je **most na rijeci Tolisi** kod Gornje Slatine u februaru 2015. godine

Ekonomski oporavak



Nova oprema, mašine i vozila su nabavljena za „MMB INEXCOOP doo“ (proizvođač stočne hrane) nakon čega je preduzeće sa svoja 23 zaposlenika uspjelo da ponovo pokrene proizvodnju.



Osigurana je podrška za ponovno pokretanje proizvodnje za **3 komercijalna poljoprivredna proizvođača, 6 proizvođača pšenice, jednog proizvođača jaja**, kao i **48 poljoprivrednih gazdinstava**.

Nastaviće se radovi na rehabilitaciji 139 kuća, 1 mosta i 1 lokalne ceste, a pružiće se dodatna podrška poljoprivrednim proizvođačima.

Za dodatne informacije, posjetite stranicu EU Programa za oporavak od poplava www.europa.ba i [facebook.com/EUFloodsRecoveryProgramme](https://www.facebook.com/EUFloodsRecoveryProgramme)